

Na osnovu člana 8. i 13. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), člana 13. i 19. Statuta Općine Novo Sarajevo ("Službene novine Kantona Sarajevo", broj 35/10), na prijedlog Komisije za Statut i propise Općinskog vijeća Novo Sarajevo, Općinsko vijeće Novo Sarajevo, na 21. sjednici održanoj dana 30.07.2018. godine, donijelo je

### ODLUKU

#### O PRISTUPANJU IZRADI IZMJENA I DOPUNA STATUTA MJESNE ZAJEDNICE

##### Član 1.

Općina Novo Sarajevo, u cilju usklađivanja odredaba Statuta mjesne zajednice sa odredbama izmjena i dopuna pozitivnih zakonskih propisa, pristupa izmjenama i dopunama Statuta mjesne zajednice.

##### Član 2.

Obavezuje se Komisija za statut i propise Općinskog vijeća Novo Sarajevo da, u skladu sa ovom Odlukom, izvrši potrebne

pripreme za izradu Nacrta Statuta o izmjenama u dopunama Statuta mjesne zajednice i dostavi ga Općinskom vijeću Novo Sarajevo.

##### Član 3.

Općinsko vijeće Novo Sarajevo će utvrditi Nacrt Statuta o izmjenama i dopunama Statuta mjesne zajednice i uputiti ga na javnu raspravu u odgovarajuće subjekte na području općine Novo Sarajevo, sa rokom trajanja javne rasprave.

##### Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-730/18  
30. jula 2018. godine  
Sarajevo

Predsjedavajuća  
Općinskog vijeća  
Novo Sarajevo  
Ana Baltić, s. r.

## OPĆINA TRNOVO

### Općinsko vijeće

Na osnovu člana 7. Zakona o budžetima Federacije Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16 i 5/18), člana 7. i člana 13. Zakona o principima lokalne samouprave u FBiH ("Službene novine Federacije BiH", broj 49/06, 51/00) i člana 24. tačka 3. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na prijedlog Općinskog načelnika, na 13. sjednici održanoj 20.07.2018. godine, donijelo je

### ODLUKU

#### O IZMJENI ODLUKE O IZVRŠAVANJU BUDŽETA OPĆINE TRNOVO ZA 2018. GODINU

##### Član 1.

U Odluci o izvršavanju budžeta općine Trnovo za 2018. ("Službene novine Kantona Sarajevo", broj 3/18), član 11. mijenja se i glasi

##### "Član 11.

#### Način izvršavanja budžeta po ekonomskom kodu:

##### (1) 610000 Bruto plaće i naknade zaposlenih

Navedena sredstva koristit će se u skladu sa Odlukom o naknadama i dodacima na plaću državnih službenika i namještenika u Jedinственном Općinskom organu uprave i posebnim stručnim službama Općine Trnovo ("Službene novine Kantona Sarajevo" broj 7/13) Odlukom o plaćama i naknadama nosilaca izvršnih funkcija, pravobranioca, savjetnika, državnih službenika i namještenika u Općini Trnovo ("Službene novine Kantona Sarajevo" broj 22/12, 3/17 i 30/17), Pravilnikom o unutrašnjoj organizaciji jedinstvenog općinskog organa uprave i službi za upravu Općine Trnovo, kao i Zakona o plaćama i naknadama u organima vlasti FBiH ("Službene novine Federacije BiH", broj 45/10, 11/12 i 20/17), te internih akata Općine. Osnovica za obračun plaća u visini 300 KM i bod za obračun plaće u iznosu 1,0 primjenjivat će se za period od 01.01.2018. godine do 31.12.2018. godine

##### (2) 613000 Izdaci za materijal i usluge

Raspoređuje Općinski načelnik shodno planu i namjeni sredstava.

Sredstva utvrđena u Budžetu na ekonomskom kodu 613000 - Izdaci za materijal i usluge realizuju se po odobrenju Općinskog načelnika prema utvrđenim namjenama na osnovu validne finansijske dokumentacije u skladu sa propisima.

Sredstvima namijenjenim za reprezentaciju raspoložu svi korisnici definisani Pravilnikom o poklonima i reprezentaciji. Sredstva za isplate naknada članovima OV, komisija i savjeta MZ isplaćivati će se na osnovu odgovarajućih dokumenata, Odluke ili Zaključka.

Za stavke za koje je potrebno provesti postupak javne nabavke, zadužuje se nadležna služba da isti sprovede u skladu sa Zakonom.

##### (3) 614000 Tekući grantovi

a. **Grantovi humanitarnim organizacijama** - Ukupno planirana sredstva za humanitarne organizacije u toku 2018. godine je 21.000,00 KM i isplaćivat će se mjesečno u visini od 1/12 planiranih sredstava.

b. **Političke partije** - Raspodjela i korištenje sredstava u iznosu od 40.000,00 KM vršit će se u skladu sa posebnom Odlukom o finansiranju parlamentarnih grupa iz budžeta Općine Trnovo donešene od strane OV Trnovo.

c. **Udruženja**: Raspodjelu ukupno planiranih sredstava za Udruženja građana boračkih i dr. organizacija koristit će se mjesečno u visini od 1/12 planiranih sredstava.

d. Transfer Općinskoj izbornoj komisiji realizira se u skladu sa dostavljenom finansijskom dokumentacijom, u skladu sa finansijskim planom Općinske izborne komisije i planiranim aktivnostima.

e. **Izdacke za obilježavanje historijskih ličnosti i događaja** 20.000,00 KM - Korištenje sredstava vršit će se u skladu sa Kalendarom za obilježavanje značajnih događaja i datuma. Sredstva će se planirati uzimajući u obzir plan aktivnosti i učesnike u obilježavanju značajnog događaja.

f. **Izdacke za sport** koristit će Sportski klubovi i sportske manifestacije na području općine Trnovo. Dodjela sredstava vršit će se na osnovu posebno izrađenog Programa i plana o finansiranju kulturnih manifestacija i sportskih takmičenja, te na osnovu opravdanog zahtjeva korisnika u cilju podrške udruženjima i pojedincima, te zaključkom Načelnika.

g. **Izdaci za kulturu** koristit će se za kulturne manifestacije društava u skladu sa Programom i planom o finansiranju kulturnih manifestacija i sportskih takmičenja a prema Programu nadležne službe, te na osnovu opravdanog zahtjeva korisnika u cilju podrške udruženjima i promocije kulture, te zaključkom Načelnika.

h. **Sredstva iz Fonda za mlade** na zahtjev zainteresovanih subjekata u skladu sa objavljenim javnim pozivom na web stranici općine Trnovo, te na osnovu opravdanog zahtjeva

- korisnika u cilju pomoći mladima, te zaključkom Načelnika.
- i. **Sredstva iz fonda za pravnu i socijalnu pomoć** mogu koristiti boračka udruženja za potrebe pružanja pravne i socijalne pomoći svojim članovima kao i pojedinci, po osnovu zahtjeva istih, a na osnovu zaključka općinskog načelnika. Po zahtjevima udruženja odobriće se veći iznos sredstava nego po zahtjevima pojedinaca.
  - j. **Sredstva iz fonda za opremanje školaraca** - sredstva namjenjena za kupovinu školskog pribora najugroženijoj kategoriji učenika (evidencija od strane nadležne općinske službe), nabavka pribora vrši se u skladu sa Zakonom o javnim nabavkama ("Službeni glasnik BiH", broj 39/14). Također, sredstva iz ovog fonda koristeće se i za nabavku neophodnih sredstava i opreme za podršku školarcima u cilju poboljšanja uslova i boljeg kvaliteta izvođenja nastave i procesa učenja.
  - k. **Namjenska sredstva** u iznosu od 7.000,00 KM po potpisanoj Sporazumu s Ministarstvom za obrazovanje iskoristit će se za nabavku sredstava potrebnih za Školu skijanja.
  - l. **Stipendije učenika i studenata** isplaćuju se mjesečno na osnovu potpisanog ugovora, po prethodno provedenom konkursu u skladu sa Pravilnikom i Odlukom Općinskog vijeća iz planiranog fonda za stipendije (58.000,00 KM)
  - m. **Novčana pomoć za socijalnu i zdravstvenu zaštitu** koristit će se na osnovu donesenog Zaključka Općinskog načelnika putem službe nadležne za navedene poslove, po svakom pojedinačnom zahtjevu najviše do 250,00 KM. Dodjela ovih sredstava vršit će se na osnovu Pravilnika o načinu i postupku odobravanja jednokratne novčane pomoći iz budžeta Općine Trnovo.
  - n. Po zahtjevima za teža oboljenja građana i dr. slične situacije mogu se koristiti sredstva u većim iznosima, a maksimalno 500,00 KM s tim da uz zahtjeve postoji potrebna zdravstvena dokumentacija o vrsti oboljenja i visini sredstava potrebnih za liječenje.) Isplata ovih sredstava će biti iz posebno oformljenog fonda za **pomoć pri liječenju socijalnih kategorija**. Dodjela ovih sredstava vršit će se na osnovu Pravilnika o načinu i postupku odobravanja jednokratne novčane pomoći iz budžeta Općine Trnovo.
  - o. **Pomoć pri liječenju teško oboljelih demobilisanih boraca** u iznosu od 20.000,00 KM namjenjena su za liječenje teže oboljelih pripadnika demobilisanih boraca (karcinom, moždani udar i druga oboljenja koja se kvalificiraju kao teža) i to u maksimalnom iznosu do 5.000,00 KM o čemu će se donijeti odgovarajući Pravilnik.
  - p. **Pomoć porodiljama/novorodačima** sa područja Općine Trnovo, za svako upisano novorođeno dijete isplaćivaće se po 50,00 KM mjesečno. Dodjela sredstava sa ove stavke vršit će se jednokratno na osnovu zaključka općinskog načelnika.
  - r. **Ženama preko 50 god. starosti koje nemaju nikakvih primanja** isplaćivati će se simbolična pomoć od 50,00 KM mjesečno. Sredstva će se dodijeliti osobama iz evidencije svih mjesnih zajednica općine Trnovo prema posebno donešenom pravilniku i zaključku općinskog načelnika.
  - s. **Izdaci za socijalnu i zdravstvenu zaštitu-pomoć kod smrtnog slučaja užeg člana porodice** - socijalnim kategorijama stanovništva koje zadesi smrtni slučaj užeg člana porodice na osnovu dostavljenog zahtjeva snosit će se troškovi ukopa po stvarnim troškovima uz adekvatno dostavljenu dokumentaciju u skladu sa raspoloživim sredstvima u budžetu.
  - t. **Sredstva novovjenčanim parovima** sa područja Općine Trnovo u iznosu od 500,00 KM dodijeliti će se za svaki novovjenčani par sa adresom prebivališta na području

općine Trnovo. Dodjela sredstava sa ove stavke vršit će se na osnovu zaključka općinskog načelnika.

- u. **Tekući transfer za Hotel Maršal** - po sporazumu s Min. Privrede mjesečno refundiranje troškova fizičkog obezbjeđenja i opravke Hotela.

U cilju osiguranja transparentnosti dodjele tekućih transfera potrebno je definisati donošenje programa i kriterija troška, a realizaciju vršiti na osnovu javnog poziva. Također, od korisnika transfera zahtjevati izvještaje o namjenskom trošku sredstava.

Sredstva trasfera udruženjima i drugim neprofitnim organizacijama za koje su Budžetom ili Odlukom vijeća utvrđeni krajnji korisnici, realizuju se na osnovu potpisanog protokola ili ugovora putem nadležne službe ili neke odgovarajuće odluke.

#### Subvencije privrednim subjektima:

Sredstva planirana za razvoj privrede u iznosu od 100.000,00 KM koristit će se po oglašavanju u skladu sa Javnim pozivom, koji će raspisati Općinski načelnik na prijedlog nadležne službe, s tim da se općinskom načelniku ostavlja rezerva u iznosu od 10% za potrebe hitnog intervenisanja u oblasti nastanka šteta u poljoprivredi.

#### Kapitalna ulaganja:

- a. **821000 Nabavka opreme**

Ovlašćuje se Općinski načelnik da vrši nabavku opreme za potrebe organa u visini odobrenih sredstava u posebnom dijelu Budžeta.

- b. **821000 - Korištenje sredstava za izgradnju skloništa**

Sredstva za izgradnju skloništa koristit će se za namjene utvrđene Zakonom o zaštiti spašavanja ljudi i materijalnih dobara od prirodnih i drugih nesreća.

#### Kapitalni grantovi:

- a. **615** - Korištenje sredstava kapitalnih grantova pojedincima i neprofitnim organizacijama Općinski načelnik vršit će u skladu sa utvrđenom namjenom.

U okviru kapitalnih izdataka pojedincima-u programu naplate i usmjeravanja sredstava od naknade za uređenje građevinskog zemljišta planirana je i obnova stambenih objekata pojedincima. Od ukupno planiranih sredstava na ovoj stavci ostavlja se mogućnost općinskom načelniku da do 10% sredstava usmjeri na finasiranje ugradnje građevinskog materijala porodicama u stanju socijalne potrebe.

- b. **Sredstva Fonda prostornog uređenja raspoređena programom** trošit će se u skladu sa planom programa, a isti je sastavni dio budžeta općine Trnovo za 2018. godinu.
- c. **Sredstva za učešće u adaptaciji vjerskih objekata** koristeće se donošenjem Zaključka Općinskog načelnika.

#### Član 2.

Ova Odluka stupa danom donošenja i objavit će se u "Službenim novinama Kantona Sarajevo", a primjenjivat će se za fiskalnu 2018. god.

Broj 01-14-2479  
24. jula 2018. godine  
Trnovo

Predsjedavajuća  
Općinskog vijeća Trnovo  
**Emina Mehmedagić, s. r.**

Na osnovu člana 7. Zakona o stvarnim pravima ("Službene novine Federacije BiH", broj 66/13 i 100/13), člana 10. Zakona o cestama FBiH ("Službene novine Federacije BiH", broj 12/10) i člana 24. Statuta Općine Trnovo ("Službene novine Kantona Sarajevo", broj 12/08), Općinsko Vijeće Trnovo, na 13. sjednici održanoj 20.07.2018. godine, donosi